

Chhuah fan - Oct. 1984

March, 2014

RAMTHAR



Email: ramtharchanchinbu@gmail.com

Fax No. 0389-2316410



NEPAL RAMA KRISTA PASALTHA
RAM MU MÊKTE - 2014

SERMON

'Sual phuara awmte'....phêk 5-na

Kum XXX

MARCH 2014

Bu 344-na

Ramthar Association Chanchinbu Thla kip Chhuak**Editorial Board 2013 - 15**

Editor	: Rev. Thangzauva	9612950043 (M)
Joint Editors	: Upa Lalrinmuana	9436142643 (M)
	: Upa Zoramthanga	9436362385 (M)
	: H. Lalngurliani	9774390980 (M)
News Editor	: Lalbiakenga Fanai	9436366234 (M)
Manager	: R. Lalchhanhima	8575013800 (M)
Publisher	: Rev. Lalchhuanmawia	9615952406 (M)

Member-te

Rev. K. Lalhmuchhuaka	: Synod Moderator
Upa H. Zoliana	: Synod Secretary(Sr.)
Rev. P.C. Pachhunga	: Exe. Secy./c. Mission etc.
Rev. C. Chawngliana	: BEC Member
Upa F. Lalfakzuala	: BEC Member



Thu chhuah tur nei chuan Email - ramtharchanchinbu@gmail.com -ah emaw Phek lehlahm chauhah ziakin Editor emaw Manager, Ramthar Chanchinbu, Synod Office, Aizawl - 796001, Mizoram, India, hnenah thawn tur a ni e.



Ramthar chanchinbu thu chhuahte hi ziaktu mawhpurhna a ni e.

Kum khat lâk man - Cheng 50.00**A chhûnga thu awmte**

		phêk
1. Editor thukhawchâng	-	1
2. Keimalni	-	2-3
3. Hriatzauna Huang	-	4
4. Sermon	-	5-7
5. Buhmun atângin	-	8-19
(1) Mi 45,81,268 chênna khawpuiah....		
(2) Reang hnam hnêna Chanchin T̄ha lawmawm...		
(3) St. Peter High School....		
(4) Nepal ramah Easter Rally ropui....		
(5) Patna Mission Field rawngbâwna - 2013		
6. Thahnemngaite Huang - Missionary a ni lo, mah se..-		22
7. Ramthar Chanchinbu Hluttute Huang.....	-	23-24
8. 'RAMTHAR FEH'	-	24-31
9. Missionary tâna Ramthar Chanchinbu lâksaktute	-	32



CHANCHINTHA DANG

 Tirhkoh Paula chuan - Isua Krista Kraws aţang
ni lo, kawng dang emaw, thil dang emaw aţanga
chhandamna awm theia sawina reng reng chu 'chanchin ţha
hrang' tiin a sawi a. Chutiang sawitu apiang chu v na
vantirhkohte hial pawh ni se - ' n h e dawngin awm rawh se' a
ti hmiah mai (Gal. 1:6-9). Johana pawhin chutianga zirtirna dik
lo vawrh darhtute chu an inah pawh thlentir lo tur leh,
 wngkam ţha pawha thlah lo turin a hrilh baw  (2 Joh. 10:11).
Chanchin  ha dik lo taka hr ltute lakah an th kthu a ch e h e.

Hman lai ata tawh vawiin thlengin Isua Krista leh a Kraws thu sawi hnawmtute an lo chhuak tawh thin a. Isua Krista rin avanga chhandamna ni lo - chanchin tha dang zuara vak thin an awm reng a. Krista chauh ring ni lo va, englo dang ring pawh an tam tawh. Sabbath serh kher lohva chhandam loh tura sawite pawh an awm. Mi thenkhat - Kohhran chhuahsan lohva him lo dawna inngai tlat zawk te pawh zuk awm a!

Hindu - zirtirna chuan khawpui luhna turin kawng tam tak a awm a, chung aţang chuan khawpuiah a luh theih vek angin, sakhaw hrang hrang aţangin v nramah a luh theih vekin an sawi. Chutiang chu pawm ila chuan Chanchin Tha hr l hi a ngai lo vang. Universalism zirtirna phei chuan mi zawng zawng hi chhandam ni turin an zirtir; Bible erawh chuan, ‘A ring apiang....’ a ti (Joh.3:16).

Lal Isua chuan Amaha kal lo chu tu mah Pa hnêna an thlen loh tur thu a sawi (Joh.14:6). Petera pawhin, “Mi dang tu ma hnênah chhandamna a awm lo; vîn hnuai mihring sak zingan min chhandam tur hming dang reng reng a awm lo” a ti. (TT 4:12). Kan Kohhran Thurin V-naah pawh, ‘Ama (Krista) zârah chauh chuan mihringte hi chhandamin an awm thei,’ a ti.

Isua Krista ring miah lote, a hming chhâla kal sualte - Chanchin Tha dang zirtirtute an lo la kal zêl dawn. Chu chu hriain Krista thutak hi huaisen takin i puang zêl ang u.

• • •

KEIMAHNI

† **January 2014 chhûnga ringthar dinhmun:** Lalpan hei zat ringthar min pêk leh avâng hian Kohhranhovin Pathian hnênah lawmthu sawiin thahnemngai lehzualin thilpêkah tan la ila, kan Missionary pasaltha ram mûte tân leh Kohhran tiak tir tê têtê tân jawngtaiin tan i la zêl ang u.

KUM 2014 RINGTHAR DINHMUN - JANUARY

Sl.No.	Buhmun	Missionary	Jan	Feb	Mar	Apr	May	Jun	Avaiin
1	Aru. 'E' Mission Field	72	awm lo						
2	Aru. 'W' Mission Field	101	26						
3	Assam Field	76	7						
4	Barak Area(J PM+ Bengali)	86	16						
5	Cachar Tlâng	78	awm lo						
6	Delhi Mission Field	18	awm lo						
7	Home Mission 'N'	172	10						
8	Home Mission South	231	23						
9	Jhar kh and Mission Field	33	55						
10	Karbi Anglong Mission Field	127	9						
11	Kolkata Mission Field	31	35						
12	Lucknow Mission Field	31	50						
13	Nepal Mission Field	42	23						
14	Patna Mission Field	33	11						
15	Siliguri Mission Field	33	4						
16	Tripura Mission Field	141	364						
17	Mas ihi Sangati, Mizoram	8	65						
	BELHKAHAWM	1313	698						

1. *Karawl hi 'nei lo' emaw 'dawn hman loh' emaw a ni e.*

2. *Buhmun Ringthar dinhmun hia zat chiah la hriat kim hman loh a awm.*

3. *SMB hnuaia thawktu z.z.= 2289(Thawktu dinhmun hi danglam reng a ni.*

† **Tuarpuina:** Hun rei tak Ramthar Chanchinbu sem rawngbâwl hna thawktute: **1) Upa Selthanga**, East Lungdar, Venghlun chuan nikum July 2013 khân chatuan ram min lo pansan a. **2) T.Upa Vanlalngheta**, Ngopa 'N' Kohhran, ani hi Lungnâ avângin ni 28.11.2013 khan chatuan ram min pansan ta bawk tih tlai khawhnuah hriat a ni a. An kalsan tâk Kohhran leh an chhûngte Editorial Board-in a tawrhpuuin Pathian thlamuanna leh awmpuina an chan ngei duhsakna sâng ber a hlân a ni.

† **Zin chhuak:** 12.01.2014 (Pathianni) khân: 1) Rev. P.C. Pachhûnga, ES i/c. Mission chu Farkawn Kohhranah Pastor Lalfakzuala dahngheh inkhawm hun hmangin a kal. 2) Rev. Lalchhuanmawia, Secy. SMB, Tuidu, Tripura-ah Pastor R.C. Lalchhuanthanga dahngheh inkhawm hun hmangin a kal a. Ani hi 25 Jan - 8 Feb, 2014 chhûng khân USA-ah khawvêl huap Mission chungchâng sawihona (Symposium) pawimawh takah a tel. 3) Pu

H. Vanlalchhuanga, SOS pawh January thla chhûng khân Chhim Bial leh Arunachal 'W' *field*-a SMB sikul tlawhin a zin chhuak.

† **'RAMTHAR' hmasawna lawmawm:** Kum 2014 Pathianin min hruai thleng a, Kohhranho pawh 'RAMTHAR' lâk leh chhiar kawngah nasa takin hma kan sawn a. Feb. 2014 aţang chuan bu 28000 (Sing hnih sangriat) lai chhuttir kan ngai ta. Lalpa chu fakin awm rawh se.

HMASAWN ZÊLNA TUR: Missionary zawng zawngin mahni chhuahna Kohhranah thahnemngai takin 'RAMTHAR' la uar tura Kohhranho fuih a tul. Hetiang zawng hian Kohhran hna pui Chanchin Tha hril kan ngaih pawimawh leh pawimawh loh dan i han thlir teh ang u. Kan Synod-ah hian 'RAMTHAR' hi Bible tih lovah chuan Chanchin Tha hril thei tura min tichaktu lehkhabu tihtheih hial a ni mai awm e. Chuvangin kan mi leh sa zawng zawng hi chuan 'RAMTHAR' chhiar hi kan tihmakmawh a ni.

Synod ângchhûnga chhûngkaw awm zat	- 1,23,365
'RAMTHAR' Kohhran leh mi mala thawn	- 28,263(30.1.14)
'RAMTHAR' la lo chhûngkaw zat	- 95,102

(Hei zat chhûngkua hian 'RAMTHAR' a awm leh awm loh pawh an hre lo tihna angin a chhût theih awm e)

† **Kum 2013 chhûnga ringthar neih zat:** Pathianin kan Kohhran hmalâkna tlâwm tak mal a sawm a, kum 2013 (Jan-Dec.) chhûng khân **ringthar baptisma chang 6,754** lai mai kan han nei thei hi Kohhranhovin Pathian hnênah lawmthu sawi ila. Kumin chhûng hian hei hi khûm tumin Krista pasaltha ram mû mêkte tân leh Kohhran tiaktir tê tete tân thilpêk leh ţawngţaiin ţan i la zêl ang u.

† **Chênna in kâng:** Ni 12.01.2014 (Chawlhni) khân Tuidu, Tripura Field-a kan Evangelist Teacher, Pi Bonny Lalremruati chu inkhawm hlanin eng mah chuh hman lohvin an chênna in a kânga, SMB hnuaia a rawngbâwlpuite'n Pathian thlamuanna leh awmpuina an chan ngei duhsakna sâng ber an hlan.

† **Thil mak tih hmangin Pathian a inpuang:** Jharkhand Mission-a Churlei, khuua Pi Sohani Horo hun eng emaw chen ţawng thei lova a awm hnuin, an chhûngkua an buai hle a (Hindu chhûngkua an ni). An beidawn tawpah ni 25-27.1.2014 zan khan Jarya *Fellowship*-te an Ina ţawngţai turin an sawm a. Pathian thiltihtheihna lo langin, an chhûngkuain dam chhûnga Lal Isua zui turin an inpe ta a ni. Hemi thu hian an khawtlâng a hneh hle mai a, Pathian hnathawh a lan zui zel theih nân i ţawngţaipui ang u.

• • •

HRIATZÂUNA HUANG

‘India ramah Lal Isua thlen in a vâng’ tih hla hi Mizo kristiante bengah a mikhual vakin a rinawm lo. Kohhran hnapiui ‘Chanchin Ṭha hrîl’ tih thu hi keini Kohhran hi chuan kan thupui berah pawm zel ila. Kan Kohhran hmalâkna pui ber Chanchin Ṭha kan hrîlnaah hian unau thenkhatte tih dan anga Chanchin Ṭha dang hrîl tel lovin, kan Lal Isuan, “*Khawvêl zawng zawngah kal ula, thil siam zawng zawng hnênah chuan Chanchin Ṭha hi hrîl rawh u....*” tia, a thu min pêk hi dah hmasa ber zêlin Chanchin Ṭha hi i hrîl ang u. Chanchin Ṭha aia baptisma emaw a tih dan phung emaw dah lal leh dah thupui zawk hi kan Lalpa min tih dan niin a lang lo.

Kan ram, India ram chhûnga kristian dinhmun thlir hian a ram kilkhawr bera hnam mawl leh ram rethei ber ni mah ila, hnama min zawng chhuaktu kan Pathianin a duh dan tipuitling tura min zawn chhuah miao avângin, kan ram India rama Chanchin Ṭha hrîl hi ngaihthah thei kan nih lohzia a târ lang Chiang hle:

Religion	Number	%
All religious communities	1,028,610,328	100.0
Hindus	827,578,868	80.5
Muslims	138,188,240	13.4
Christians	24,080,016	23
Sikhs	19,215,730	1.9
Buddhists	7,955,207	0.8
Jains	4,225,053	0.4
Others	6,639,626	0.6
Religion not stated	727,588	0.1

Thulâkna : Religion, Census of India 2001(2011 chhiarpuih sakhaw lam a lang lo a ni ang e....2001 hi kan rawn hmang mai.

Tichuan, Isua chu an hnênah a lo kal a, anniho chu a bia a, “Lei leh vâna thuneihna zawng zawng ka hnênah pêk a ni tawh. Chutichuan kal ula, hnam tina mi zirtirah te siam ula, Pa leh Fapa leh Thlarau Thianghlim hmingah chuan baptis ula, thu ka pêk zawng zawng che u pawm turin zirtir rawh u. Tin, ngai teh u, kei kumkhuain, khawvêl tawp thleng pawhin, in hnênah ka awm zêl ang,” a ti a.

Matzthaia 28:18-20

• • •

SERMON

SUAL PHUARA AWMTE

Upa Lalnunmawia, Bawngkawn Chhim Veng.

“Phelh ula, kaltir rawh u,” (Joh. 11:44)

1. Sual phuara awmte phelh ila : Kan thupui pawimawh tak mai hian min zirtir a tum chu ‘Pathian ropuina leh thiltihtheihna a lan theih nan tih tur kan nei ve a , a thu kan awih a ngai’ tih hi a ni.

Lal Isua tisa putlai ni tea a thil tih makte zingah chuan ni li lai thlâna awm tawh Lazara kaihtawh thu hi a mak pawl a ni awm e. Amahah leilung a her laiin, engkim a zain ama siam ni mah sela, a duh chuan Lazara kha thlân puan tuam tlat a nihna kha phelh sa vekin a kai tho thei tih kha a Chiang êm êm a ni. Nimahsela, phelh chawp ngaiin a kai tho tlat mai a. “Phelh ula, kaltir rawh u,” a ti a ni. Lazara hi kaihtawh tawh, nung tawh ni mah se la, amahin a inphelh thei lo va. Mihring nunphung pangngaia nung leh turin PHELH-sak a ngai tlat a ni. Kan ramah pawh hian miin Pathian khawngaihna avângin chhandamnate an chang a. Thihna ata nunna changin an sualnate an sim a. Kohhran hote rawn belin an lo lût a. Hengte hi kan thlahthlam tur a ni lovang tih min zirtir a ni. Pathian

thutaka chawmin tawngtainain kan umzui zêl tur a ni ang. Setana’n a phuar belh leh lohna turin tan kan lâk zêl a ngai a ni.

2. Sual phuar a awmte phelh turin Lalpan min ko: Isuan, Setanan kum 18 lai a lo man tawh chu chawlhniah pawh han phelhsak loh zia em ni? a ti a. Setana phuar beh tlatte hi Lalpa hmangaihte an ni asin. Min hmangaihtu chu ka hriat nân, “Isua chanchin min hrilh rawh,” an ti asin! (Joh. 12:21). “Ka pu, Isua hmuh kan duh,” an ti asin. Thlarau bo, sual phuar mêk tam tak kan vêlah hian an awm a. Ruihtheih tite, hnam dang te, keimahni hnam zingah pawh piangthar lo hremhmun kal tur, Setana phuar beh tlat te hi an la tam asin. Hengte tân hian Lalpa’n min ko a, min la damtir anih hi. Lal Isuan a rawn kal chhan chu Luka 19:10-ah chuan, “Boralte zawnga chhandam turin Mihring Fapa hi a lo kal a ni

reng a ni,” a ti a. Tin, Isuan a ngaihpawimawh ber pawh Chanchin Tha hril a ni a, “Chutichuan kal ula, hnam tina mi zirtirahte siam rawh u.....,” tiin min hrilh a ni (Matthaia 28:19).

He thu Lal Isua thupêk hi kan ngai pawimawh lo a nih chuan keimahni hi Pathian chhandamnaah hian kan la Chiang lo a ni ang tih hi a hlauhawm khawp mai! Keimahni inhriat dan ai chuan Pathian min hriat dan hi a pawimawh daih zawk si a. Lk. 14:21-24-ah chuan sual phuar mekte hnenah Isuan, “Chhuak la, kawtthlerah, kâwmkârah, kal thuai thuai ula, pachhia te, piangsual te, mitdel te, kebai te rawn hruai thuai rawh u,” min ti a ni. Isua thupêk a ni e. Keini kan kal loh chuan tunge kal chuang ang! Lal Isua hi a hmanhmawh khawp mai.

Matt. 18:18. Lal Isua thusawi pawimawh tak mai chu vân ram chahbi min pe hi a ni. Phelh theihna leh phuar theihna kan nei a nih chu. Kan mawhphurhna hi a sâng hle mai. Mite’n vân ram an luh leh luh lovah mawh kan phur

a nih chu! Kan hmang ngam dawn em le?

‘Phuarna a phelh ka zalen ta, Nungin ka tho ka zui ta che...’ (KHB No.184) kan ti thei em? Lk. 4:18-ah chuan riangvai te, mitdel te, sal te, Setana a lo tihduhdah leh a phuar te phelh kha a lokal chhan a ni tih min hrilh a. Kan mawhphurhna hi kan hria em le? Lk 9:13,16-ah pawh khan Lal Isuan, “Nangmahni’n ei tur pe rawh u,” a ti a. Mipui hmaah hlui rawh u, fatu chan chang rawh u, a ti ngat a ni. Zirtirte tel lo pawh khan Lal Isuan mipui sang ngate kha a hrai thei khawp ang. Nimahsela, mi dangte Isua hmaa an din a, a lalna hming an fak theihna khan, ‘Nangni’n ei tur pe ula, fatu chan chang rawh u,’ min ti a ni. Heng thute hi Lal Isua sawi a ni e.

Lal Isua chungah an lungawi

love: Chawlhniah Setana phuar beh tlat Isuan a tihdam avângin Isua an chhuahchhâl a. Thlarau thianghlim hnathawh lo thleng tur khai lo tih dan thinkhan daltir suh. Lal Isua thih chhan kha, kan dan kawngkhat a awm, chumi danin a thi tur a ni, an ti a. Lalnu Estheri pawh dan lo anga lal hmaa a din avângin Juda mipuite chhanhimin an awm phah a. Paula pawhin,

“Keimahah hian dan danglam a awm tih kahria. Chu chuan thatna dan hi a do,” a ti a ni.

3. Phelh ula, han kai rawh u (Luka 19:30): Joh. 1:3-ah khan Lal Isuan engkim a zain a siam tih min hrilh a. Chutianga engkim siamtu chuan sabengtung kha, zirtirte khan va kaih kher ngai lo khan chawimawia a awmna tur khan a bulah a dintir nghal mai thei ngei ang. Nimahsela, zirtirte hnênah khân, “Phelh ula, han kai rawh u,” a ti tlat mai a. A neitu khan a lo remti lo deuh a nih pawhin, “Lalpa’n a duh a ni,” in ti ang a. ‘Arawn dah leh mai ang,’ in ti dawn nia,” a ti a ni. Tichuan, phelh ula, han kai mai rawh u, a ti ta a ni.

He thu ațanga zir tur kan neih tak chu, ropui taka Jerusalema a luhna tur khan TIH VE TUR Lalpa’n a tuk tlat a nih chu. He thu hi kan tan a va pawimawh êm! Pathian chhandamnate pawh hi Pathianin Kristaah a thlâwnin min pe daih tawh mah se, thuawih taka thil dang aia amah kan rin a ngai a, sualte sima kan inpêk a țul bawk a. Pathian ropuina a lo lan chhuah a, keimahni leh Kohhranah Thlarau Thianghlîm hnathawh a lo lan chhuahna tur chuan tih ve tur kan nei a, kan tihtur thlarau thilpêk kan dawnte chu a inang kher lovang.

Amaherawhchu, chung kan tih turte chu THUAWIHNA nena kan tihpuitlin tur a ni si a ni. Kan mizo Pathian thuawih hmasate’n ringtute kha, “Pathian thu awih” an lo tih kha. Tunlai Kristiante pawh hian kan zawm thar leh a țul hle a ni.

Lal Isuan sabengtung a thlan kher chhan hi keini chuan kan hre lova. Mahse, he sabengtung thuawihna erawh hi chu ropui ka ti a ni! Mi hrang daihin an va kai a, a pu pangngai a chungah a chuang lo va, chuti chungin a hel miah lo va. Isua duhna lamah thu awih takin Jerusalem lamah a kal ta zela. Lal Isua chawimawia a awm theih nân hah pawh sawi lovin a kal ta zel mai a ni. Mipuiten Isua an chawimawitadur durmaiani! Hla phuahtu chuan, “Amah a lan hun apiangah ropuiin kan langve ang,” (KHB No. 398) a tih angin, sabengtung rah atân an puante an phah a. Lal Isua thu awih hi a va hlawk em! Chawimawina leh thiltihtheihna a kengtel nghal a ni. Lal Isua chuan theihna turin leh thlarau bote’n Isua an lo hmuh a, a lalna hming an fak theih nân thuawihna nena hmaah i kûn ang u. Luka 15:7: ‘Mi sual pakhat sim chungah van a mi an lawm si a.’ Thlarau pakhat tal hruai lovin Lalpa kan tâwk ngam dawn em le? Lalpa’n malsawm rawh se. Amen.

• • •

BUHHMUN AṬANGIN MI 45,81268 CHÊNNA KHAWPUIAH

*Lalrinliana Colney
Kanpur, U.P.*

India ramah hian mihring kan tam dul dul khawp mai a, Guwahati han pel thla ila, Mizoram awmna hre lo a tam zawk an lo ni a, a tir chuan ka haw deuh thin mahse, tunah chuan hriatthiampuina chin ka nei ta, a chhan chu - vai hi an lo tam êm a ni. An *district* khawpui pakhata chêngte leh Mizoram mipui zawng zawng kan inzah tâwkna *District* hi a tam teh a nia, Mizoram mipui aia tam chênna khawpui eng emaw zat zingah, Kanpur khawpuia kaw hreuh tan kan nih thu hi, hre lo tam tak kan awm ka ring.

KHAWIA AWM NGE: Ni e, Mizoram mipui aia a lêt li aia tam chênna khawpui hi, khawnge a awm hre Chiang lo kan tam ka ring, hei tak hi a ni Mizoram awmna hre lote hriatthiampuina chin ka neihna chhan chu. Dik tak chuan Mizoram mipui nuai sawm û awrh hian India ram chhûngah hian, kan *state* pum mipui aia tam chênna khawpui awmna hriatpui vek lo hi tam tak kan awm ve tho, indem tur kan awm lo ve.

India Map kha Mizoram hmar tawp aṭang khân a vâng zâwnghin han rîn la, Delhi thlen hma lawk hmar lamah khan Lucknow i hmu vat ang, kha mi bul lawka, Ganges lui kama khawpui pherh duai mai kha Kanpur chu a ni. *Internet*-ah

Google Earth emaw *Satellite map* hmangin emaw i en chuan, Ganga lui kânna lei sei pui pui kha han en Chiang la, kha lei kân khân nilenghin mipui an zi nuaih nuaih reng mai a ni.

ENG ANG KHAWPUI NGE: Chuti taka mihring tamin an bawh khawpui chu, khawpui nuam tak ni turah i ngai mai thei, a teuh lo mai, kawngpui dung tih loh chu han pêng hlek ila, Bawng leh Lawi bawh hmuh tur a tam êm êm, an kawngpuite lah *reserve area* a zauh tham avângin, a vaiin an la *metal* kim si lova, a khu chum chum reng mai a ni. Bawng êk leh vaivut khawpui a ni ber e.

Mahse UP *state* chu *Industrial city* a nih avângin eizawwnna a tam a, hei tak hi mipuiin an

bawh hum hum chhan chu niin a lang. Ni tin khawpui chhông mai ni lo, khawpui pawn ațangin *Local Train* bâkah mahni lirthei hmangin khawpuiah an lo lût a, zing dar 8 to 10 inkârah Ganga lei (Bridge) lama kal chuan, khawpuia inhlawh tura lo kalrawn tleh lût dûl dûl hmuh tur an awm reng. Hei vang hi a ni ang, heti taka mipui tam kârah hian KUTDAWH hmuh tur zuk awm miah lova maw le!

Industrial City a nih rualin *education* lampawh an uarkhawp mai, India rama IIT zirna sângber awmna a nibawka, *Private School* changkâng tak tak, keini ang fate han luh ve phâk lohna tur hi a ni deuh vek mai a. An thla tin *fee* chu sawi loh, *admission fee* ringawt pawh ₹ 25,000/- tezuk ni a maw le!

Mi rethei an tam rualin mi hausa an tam bawk, heti taka khawpui bal ni chung hian, khawpui danga *Apartment* nuam tak tak, keini ang pawhin kan luah ve phâk turte hi Kanpur-ah chuan, a melh pawh kan melh ța ngam lo, luah man ₹ 20,000 to 40,000 te zuk chhiara maw le!

KRISTIANNNA: British

awpna hnuaia an awm lai ata tawh, Kristianna a lût tawh a, Biak In lian pui pui, hmun ța tak takah a ding luah hlawm, mah se an nung thlawt lo, an Biak In a chul, inkhawm an tam ngai lo, Methodist Pastor pakhat ka kawm țin chuan, member 6000 vêl an nih thu min hrilh, mahse, mi 100-150 an inkhawm țin. Pastor a nih phat ațangin, thubuai (*Court case*) buaipuiin hun tam tak a hman thu min hrilh, Vai Kohhran hi an mak asin, ro (*property*) inchuh reng reng hian an buai a, Pastor pensawn tawh, Pastor chênna in (*Quarter*) chhuahsan duh miah lo, an hnawh chhuah ngam si lohte zuk awma maw le! Chu lam chu sawi thui lo ang. Chanchin ța ti darh zau turin rin tlâk an tlêm a ni ber mai.

KUA KAN HREUH VE: Mi 45,81268 chênna khawpuiah chuan kan chhôngkua chauh, Mizo missionary kan awma, kan hmaa rawngbâwtute'n hma an lo lâk chhunzawmin, khawpui dai fêmah bul kan țin a, Isua khawvêl bul țaanna ang mai khân, keini pawh ran êk rim nam ther

therah bul kan tan a, Pastor Bialin Biak In kan neih chhun pawh, a kawt chiahah Lawi an bawk dum thup reng mai maw le. Ran in leh Isua hian inzawmna thui tak a nei ni maw?

Kaw hreuh tan kan nih avângin kan phâk tawh chu hnam hnuaihning an ni mai, chung ho chuan kan tawng an ngaithla, *middle class*-in kan tawng an ngaihthlâk hun chu a la hla deuh niin a lang.

An tâna ngaihsânawma thuama kan awm phâk tawh an nih avângin, kan phâk tâwka hma kan lâknaah lungawi tum phawt ang. Mahse, Kristianna hi chak zawka darh tur chuan, hnam sâng zawkin an pawm chu a duhawm khawp mai. Chu lam chu duh tâwk phawt ang.

KAN TIH DAN: Bul kan tan phâkna tâwkan nih miao avângin, kan inkhawmna hmun leh kan inkhawm dante chu, a boruak a

la hniam hle a, hmun tinah *fellowship member*-te chu hmeichhia deuh vek an ni mai a, Hmeichhe (Mahila) kohhran kan din dawn niin a lang.

Kan zaite lah chu a ri rê rû ringawt mai a, a hlimawm phian, Mizo aw bawm hi a lo va tha bik êm tih min ti hrechhuak thin. Member kan neih in tereuhtê, an khum chung thleng pawha kan thut khaha, a tam berah mi 20 bâk len lohna hmunte chu, kan inkhawmna neih chhun a ni a. Khaw lum leh karen (current) awm loh a inrual hi chuan rualawh mai a awl duh.

Thawhlawm kan khawn hian rin aiin an thawh sâng tlat asin, puitlingin ₹ 10/- an thawh tlângpui, naupangin pawisa nawi (coins), Inkhawm ngai lo kan tlawh chhuahte hian, an theih tawh Pathian tâna an hlan min pête hi an ching. Mahse sawma pakhat lam chu an la man vak lo. Tunah hian

• • • *Fellowship* 3 awm sa leh a thar um tur 2 a kawm kan awm

HRIATTIRNA LEH NGENNA

Kohhran tinin mahni Kohhrana Ramthar Chanchinbu sem rawngbawhna thawktute nzan khat mitchhin an tawhin Ramthar kâwm hma lam chhûnga ‘Editorial Board Member’ tute hnênah pawh zualko/hrilh thin tura hriattir leh ngen in ni e.

• • •

REANG HNAM HNÊNAH CHANCHIN THA LAWMAWM

*P. C. Ronghinglova
Chakmaghat*

Mizoram Synod-in Tripura-a rawng a bâwl aţanga Kum 30-na, Presbytery a hawn kum 1990 aţanga kum 26-na (kum 2016)-ah chuan mahni kea ding ve thei tawh tur leh Puitling thawkhat tawha ngaiin Synod hran ni ve thei tawh turin ruahmanna a duang chho mêk a, Kumin (2013)-ah phei chuan Chanchin Tha lamah theih tawp chhuahin Ringthar pawh 1500 tarket a siam a, kum a tawp chuan Ringthar 2000 vel chu kan nei mai thei a ni.

Tripura State chhûngha hian Reang hnam hi Nuai hnih (2,00,000) vêl dawn lai awm nia hriat a ni a, Tripura Mission *Field* chuan an khawpui ber GANGANAGAR—ah Pastor thuthmun te a dah a, he khuaah hian Reang In 1200 dawn lai awmin, Khawwêla an khawpui lian ber a ni hial mai thei a ni. Hetah hian Pastor P. C-a hovin, Pro. Pastor, Nurse leh Evangelist-ten thiam takin an enkawl a, member 200 chuang awmin Zaipawl intihsiakna te an neihpuia, Kohhran nghet leh tha tak a ding chho mêk a ni. Chakmaghat sir maia awm a ni a, Pastor Bial Tripura Field laili tak *National High Way No.44* (Taliamura) pawhin kumin kum tir aţang khân an Pastor Kalu Koloi-hovin an bial

chhûng Reang-ho hnênah Chanchin Tha beihpui an thlâk a. November 2013 chhûng khân Tripura *Gospel Team*-te'n *Projector* hmangin heng a hnuaia khuaah te hian kampên te neiin, mi tam takin Baptisma an chang ta a ni.

1. BAIGUNSING PARA: He khuaah hian Kristian an la awm lo va, Evangelist-te'n kampên te neiin ringthar eng emaw zat an neih hnuah, Bial thalaihote'n rap in 'Biak In' a dung-20ft a vang 10ft, an sak zawhsak bawka. He Biak In hawng tur leh Bible Ralchhân lawmman te sem bawkin, *Gospel Team*-te'n rawng an bâwl na rah seng turin, ni 17.11.2013 khân ropui takin *programme* siam a ni.

Biak In hawn: Bialtu Pastor Kalu Koloi-in Biak In hawnna a neih hnuin a chhûngha leng tâwk

tâwk kan in beng a, *Gospel Team*-ten thiam takin hla an rema, Sermon-te kan ngaihthlâk hnuin Bible *Correspondent Director* Pu P. C. Vanlal̥thuama'n Bible Ralchhan chhângtu mi 33 te hnênah lawmman chi hrang hrang a sem a, Baptisma *Programme*-in azuinghala, mi 24-in Baptisma an chang a. Inkhawm zawhah thingpui te in leh Bible *Correspondent Director*-in ropui takin Ruai min buatsaihsakchu mi 150 chuangin kan ei. He khuaah hian an vaiin mi ringthar 58 an awm mek a, enkawltu an mamawh hle mai.

2. HAZRA PARA: *Gospel Team*-te'n (18-20.11.13) zanthum *projector* hmanga rawng an bâwlnaah hian mi-33 in Baptisma an chang leh a, he khuaah hian a hmaa baptisma lo chang tawhte nê n mi 55 lai Kristian an ni ve lehta, a varopui em! Kantih theih loh min tihsaktu Lalpa chu fak in awm rawh se. He khua hi Chakmaghat a tang in km 9 vê la ni a, *Metal Road*-in a paltlang bawktunah hian *Police TSR(IR)* an awm mek, sawrkar in bazar hmun te a siamsak a, hmun

pawimawh anich homekani. Nakin lawkah chuan Pastor thuthmun la ni mai thei tur a nih hmel. Ram lei tur zau tak tlâwm tak Bazar bulah a awma, thawktu leh Biak In an la nei lo va, tanpui an ngai a, tanngtaipui pawh an ngaihle a ni.

3. BELAIHAM: Hasra khaw bulah *Gospel Team* te rawng bawlna a tang in mi 18-in Baptisma an chang thar leh a, he khuaah hian thawktu awmin Biak In pawh tha tâwk tak an nei mek a, khaw lian ve pawl tak a ni. Reang hnêna Chanchin Tha beihpui kan thlâkna a tang hian November, 2013 chhûng in Debbarma khaw khata mi nen Mi 90-in Baptisma an chang a ni. Kan ringtharte rinna tinghet tur leh ringloten Lal Isua Krista an hmuh nân Bible Ralchhân *Director*-in nasa takin hma min lâksak a, kan lawm hle. Ani hian kum 2014-ah chuan Silchar lamah min kalsan dawn niin kan hria a, kan ui tak zet a ni. Kan Kohhran hmun hrang hranga mite'n ringlote leh thawktute tânakan tanngtâin arah duhawm a chhuah mêk a ni. **DILNAHLAWHTLINTIRTU LALPA HNÊNAH I DIL ZÊL ANGU.**

• • •

*'Vân Lal nau ang a tahna Kalvariah
An dang chuang lo hnam tin chi tin....'*

**ST. PETER HIGH SCHOOL-AH
THLARÂU THIANGHLIM HNATHAWH**

R.C. Vanlalhumi, E/T

St. Peter H/S, Madhuripathar

Tahrik ni 18 - 20 October, 2012 chhûng khân Arunachal & Assam *Mission Field West* huam chhûnga kan mission sikul pakhat St. Peter H/S, Madhuripathar-ah kan *hostel* naupangte pualin *Gospel Campaign* neih a ni a. Kan *hostel* naupangte hi mipa 52 leh hmeichhhia 40 an ni a. Hnam hrang hrang Adi (Arunachalis), Assamese, Nepali, Bengali, Boro, Missing adt. inpawlh an ni hlawm a; sakhuana lamah pawh Hindu, Muslim, Buddhist, Donyi Polo adt. an ni nuaih a, a tam zawk hi Arunachal lama kan ringtu unaute fate an ni hlawm a, ringlo chu a tlêm zawk an ni. Kum tinin kan *hostel* naupangte pual hian kampên hi buatsaih thîn a ni.

Kuminah hian *Speaker* atân Rev. P.C. Rohlira, kan bialtu Pastor ni mêk chu hman a ni a. *Speaker* hian kan tan zan ni 18th Oct. '12 (Ningani) zan atângin thupui hrang hrang *systematic* takin a sawi chho va. Sakhaw hrang hrang chungchâng leh an rin dan atânga bul tan chhovin, Pathian chungchâng te, 'chu Pathian chu mihring pawh siamtu a ni' tih te, 'A mihring siamte suala kan tlûk thu te', 'Dan leh khawngaihna' tih leh 'Lal Isua amah ngei a lo kal leh dawn' tih thupui hmang tein a sawi chho va.

Kan *speaker* hi a inbuatsaihna a thain, a sawi thiam bawk a, naupangte pawhin an ngaithla thain an dawngsawng tha hle

mai a. Tin, grup hrang hrangah inthen darhin zirtirtute'n *Counselling class* kan neihpui thîn bawk a. Pathianni chawhnu inkhawm a *speaker*-in sawmna an siam chuan, kan naupang ringtu ni sate leh ringlo mi eng emaw zatin Lal Isua chu an lal leh chhandamtu atâna pawmin leh atâna inhlân tharin an thuthmun atângin an lo pên chhuak a, Pathian thlarâuvîn nasa takin hna a thawk a, "Pavitra Aatma aa (*Thlarâu Thianghlîm lo kal rawh*)" tih hla kan sak te chu a tawp hlei thei meuh lo a ni. "Because He lives I can face tomorrow, Because He lives all fear is gone.." tih hla saa lamtual

khat a kan han lamho mup mup mai chu a hlimawm dangdaiin ‘Aw hnam zawng zawng leh chi tin tawng tin hi, van lal nau ang a tahnna kalvariah an dang chuang lo ve’ tih fak hla phuahtutena an lo phuah chu a takin kan chang tlâng mup mup mai a ni. Pathian hmangaihna ropuizia leh chi tin tawng tinreng te pawhin an fak nin theih loh Pathian a nih zia a lang chiang hle a ni.

Chu mai bâkah naupangte’n zak chung chung leh, mah se tul ti êm êm bawk sia an *testimony* leh anmahnia Pathian thu awm te hlau leh khur chung a an han din chhuahpui te chuan thinlung a khawih tak zet a, lawm avângin biangah mittui a luang lo thei lo a ni. A bikin Komoli Konwar, Class - VIII zirlai hmeichhe naupang pakhatin a *testimony* a sawi, “*Hindu sakhuaa sei lian ka ni a, ka naupan têt laiin ka pa’n min boralsan tawh a, ‘ka pa’ tih tur neih ve hi ka châk êm êm thin a, ka nungchang a that vak loh avângin ka nuin hostel-ah hian minrawn dah a ni a, mah se tunah chuan he khawvêla pa nei lote tân pawh ‘pa’ min hmangaihtu LAL ISUA ka nei tawh a, Lalpa chu*

fakin awm rawh se.” ti a mittui tla zawih zawiha a sawi te chuan thinlung a khawih takzet a ni. A tirah chuan taksa chêtna changin an han lam buai deuh map map nân an buai rei lem lo va, thutak lamah an chiang tlângin an hmêlah leh an nunah pawh hmuh theihin an lang chhuak nghal a ni. Tleirâwl leh râwltharte an ni ve tawh hlawm a, an *hostel-ah* kan Pastor hi kovin, a mal malin an sualna thuk ber thlengin Pastor hnenah hian an inpuang a, Pastor hian an lu chung a kut nghatin a tawngtaisak hlawm a, a ropuiin a lawmawm a, Pathian khawngaihna vang liao liao a ni.

Mahse, heng kan naupang Lal Isuaa nunthar neite hi naupang mai, an nu leh pate thu hnuaia awm an la ni a, baptisma chang mai turin an nu leh pate remtihna lo chuan keimahni lamin tha kan ti rih lova, chuvang chuan baptisma hi chu kan la chantir chiah lo a ni.

Chhiartu zawng zawngte leh a bikin Zoram lama kan Kohhran nu leh pate, “St. Peter High School tân leh heng

kan naupangte Lal Isuaa chuan baptisma te changin
 nun thar nei te hi, hawi kir leh Lal Isua hnung zuitu tha tak
 mai lovin, engtik niah emaw an la ni ve ngei ang' tih

beiseina thinslung nei chung a

• • • min lo tawngtaipui zêl turin
NEPAL RAMAH EASTER RALLY ROPUL CHU
 kan sawn tak meuh meuh
 che t a m. Lalrinhluanga Ngente
 Rev. Lalrinhluanga Ngente
 chang zêl rawh se Kathmandu.

Nepal ramah hian kum 2006 aţang khan Kristianna
 hian zalenna thar neiin Kristiante pawh inzahpui leh
 tawmim lutuk tawh lovin mual êng an rawn dak chhuak ve
 ngam ţan a. A chhan chu Hindu Lal Ram nihna paihthlâk
 a, *Secular State* nihna puanchhuah a nih vang a ni. Tunah
 hian ringtute pawh an inlâr langsar ngam ta hle a, zalên
 takin an inkhawm a, Bus-ah te *Private Car*-ah te, Kristian
 lehkhabu leh *Film* chi hrang hrang langsar taka zawrh te, an
 chenna inah Kristian chhinchhiahna (Kross lem) tar hmuh tur
 a tam ta hle a ni. *Workshop* thlengin 'Jesus Workshop' te pawh
 a awm a ni. Ringtute erawhchu an chak tâwk lo hle a, a chhan
 chu Kohhran lian tak anga inzawm khawm an tam lo va, *Inde-*
pendent Church ang deuhin ramdang aţanga puihna zawngin
 tlêm tê têin an inbawk hrang a, awm ve dul tawh si, chak vak
 mang si lo hian kan awm ta ţeuh mai a. Tunah hian Kohhran
 pawl 100 chuang lai kan awm tawh a, Kohhran lianpui ang
 a ni. maiin Kohhran thenkhat
 Chutiang kârah chuan kum chuan min hmu tawh a ni.

2000 khân *Presbyterian*
Mission Field hawn a ni a,
 hmun khat aţanga
 inkaihruai (*Centralise*) kan
 nih angin kan han inthlung
 khawm a. Kan mite hian
 hetiang hi an man thiam rih
 lo hle a ni. Tunah hian Pres-
 byterian Kohhran hi mem-
 ber 2500 chuang kan ni

Kan inhruaina dan leh sum
 leh pai kan chetvel dan
 hrechiantgu apiangin tha an
 tih thu min hrilh thin a, kan
 mumalzia hi târ lanin a awm
 chho ve tial tial a ni.

Le, kan thupuih hian lo lût
 dawn ila, Nepal ramah hian
 ram dang ang lo takin sawrkar
 hian kâr khat chhûngin chawlh

ni khat (Saturday) chauh a siam a, chu niah chuan Kohhrante chuan inkhawm kan buatsaih ðhin a ni. Pathianni (Sunday) chu an hnathawh ni a lo ni leh tawh si a. Hun rei tawh tak aţang khân Nepal ram khawpui Kathmandu-ah leh khawpui lian deuh dangah chuan Isua Thawhlelni (Easter Sunday) hian ringtute'n kawng an zawh mup mup ðhin. He hunah hian Kohhran bil inngaihtuah bik lovin, ringtu zawng zawng chuan he hun hi kan ngai pawimawha, tel ve ngei kan tum ðhin.

Kathmandu khawpui lailiah tak hian mipui punkhawm theihna mual zau zet mai (Aizawl Lammual aia lian) a awm a, a hming chu 'Ratna Park' an ti a, *Platform* mumal tak siam sa a awm a, thil tih khawmna remchang tak a ni. Chu hmun chu *Political Party* te, pawlho dangte leh NGO pawl hrang hrang te chuan inhmukhawmna atan an hman fo ðhin a ni. Chu hmunah chuan Ringtute pawh chuan Isua Thawhlelna chu lawmin hlim takin hun kan hman ðhin a ni.

Kohhran hrang hrangte chuan mahni Kohhran ðeuhvah *Sunrise Service* zing dar 6-7 bâwr

vêlah kan han hman hmasa tê tea, *Easter Egg*, *Cake* leh thingpui tuihnai tak (Special Tea) kan han in zet a, Kohhran mal *programme* a zawh chuan *Banner nen*, *Placard*, *Flag* kengin zâi leh ârualin mahni hmun ðeuh aţang chuan Thawhlelna Ni ropui chu kan han hman ta ðhin a, ringlo tam takte mak tih khawpin hun kan hman ðhin a ni. Kathmandu hi *Ring-Road* thui takin a kal hual pap a, chu kawng kual chhângah chuan kawng thlûr tam lutuk mai a inphan chuat mai a, chung kawng peng tinreng mai aţang chuan Kohhran hrang hrangte chuan kawng kan han zawh ta ðhin a nih chu. A ðhen an âu va, thawhlelna ni an lawm a, a ðhen an zai baw a, an lam a, hlim takin he hun ropui hi kan hman ðhin a ni.

Hetiang hunah hian a tlângpui thuin ringtu mi sing 2 bâwr vêl kan pungkawm ðhin a, Ratna Park-ah chuan thusawi te, Zaipawl zai te, Tawngtai rual te, Au rual tea hun hman a ni tlângpui ðhin. Hindu lal ram lo ni tawh ðhin ramah ringtu sing rual zet maiin

mittui tla a, Krista thawhleyna thu han âupui chu nuam leh hlímawm tak mai hi a ni a, khuangpui leh khuangtê chumchilh mah suh ila, Kalvari mual zawng rinnain kan thleng chiang a lawm.

Kathmandukhawpuiakawngzawh kanhmuhthintechupawlho, hlawh san duh avânga lungawi lo kawng zawhte, anmahni hamthatna tura kawngzawhte, tualthahna raphlâk avânga duh lohna kawngzawhte, sawrkara thil ngiat avânga kawng zawhtekanhmuh tamberani thin. Kristiante kawng zawh erawh zawngchutianga lungawi lo hmêl hmuh tur a awm lo, ringlote mak tih khawpin hlímna âwnen kawng zawh a ni thin, ‘*Eng vânga hlím taka kawng zawh theingean nih ang*’ tih chu ringlo, min thlirtute suangtuahnazam vêl aningei ang? Chu zawhna chu Chanchin Tha hriltute’n hun remchâng an hmuhahanchhânsakthinani. Ngai teh, kawng zawh leh kawng zawh an dangmange.

Hmanah Jerusalemah ropui taka Isua a luh khân mi tam

takin an lo lâwma, an chawimawi a, a hnu lawkah chu Jerusalem khawpui ah vek chuan LAL an chawimawia baw kha mi tam takin zui mah se Hosana lo ti leh tur an zingah an awm ta lo. Ngai teh, Kathmandu-ah pawh hian tun hma chuan Isua chawimawina reng reng a ri ngai lo. Tunah erawh chuan Chanchin Tha hriltute thawh rah chu lo langin, Kathmandu khawpui Krista hre ngai lo chuan “Thihna hnehin a tho leh ta, Halleluiah” tih thu chu nasa taka puan chhuahin a awm ve ta.

Chutianga *programme* a zawh chuan mahni haw hawin kan hawng darh leh ta thin a, chutianga kawngzawh *Traffic Police*-te buaipui tham, ringlote mak tih khawpa thlir tham, an lo pungkawm chanchin hian Zoram-Kristian ram tia, mite sawi thin ramah hian Krista thawhleyna thu hian kan thinlungah eng tiata zau nge hmuna chan? Chu

• • Thawhleyna chuan eng chenin

MISSIONARY CHAWM CHENGCHÂNGA NGENNA
Missionary chawm zat in rawn hriattir in in Kohhran dan zawh kim zat rawn hrilh tel nghal tura ngen leh hriattir in ni e. Hrei hi dan zawh kim zat chhuta chawm zat hriat awlsam zat khandani. -9774390987/8575013800-ah hian in rawn hriattir in in tura ngen leh hriattir in ni e.

PATNA MISSION FIELD RAWNGBÂWLNA 2013

~ Lalrammawia Chhangte, O.A.

Patna Mission Field

Patna Mission Field hian kum 2013 chhûng khân Pathian hnathawh ropui tak tak sawi tur kan nei ve nual mai, Lalpa'n thil ropui tak min tihsak a, kan lawm hle a ni. Bihar-ah hian 2011 chhiarpua a lan danin Kristian hi zaa pakhat (1%) pawh an la tling lo a, *district* 38 awmah *district* 10 vêlah kan bung ve mêk a, thawh tur a la tam hle.

Synod lamin min beisei angin *Direct Evangelism* lamah theihtâwp chhuahin hma kan la ve a, *Gospel Team* kan indin a, thawktute aţangin *member* kan inruat a, mahni station-a ţul ve tak tak te an ni hlawm a, chuti chung chuan kar khatah zan hnih zan thum te riakin an feh chhuak a, khuate a lo lum bawk a, mi in chung zâwlah te an riak mai a, heng hunah hian puan in (tent house) kan neih chu kan hmang ţangkai viau a ni. Zan lamah Isua *film* te chhuah a ni a, hmun ţhenkhatah chuan an *mandir* kawtah te chhuah a ni a, *mandir* banga puan han zar mai chang te pawh a awm; rawn pungkawmte chu Isua *film* kan entir bakah Pathian thu kan lo hrilh ţhin a ni. Damlo an ţawngţaisak damna chang ta pawh sawi tur an awm nual mai.

Thawktu, Field chhûng hmun hrang hranga mite pawl

sawmah insiamin bial chan kan insem a, mahni chan chhûng ţheuhah kâr khatah vawi hnih aia tlêm lo a huhovin kan feh chhuak ţhin a, hetia kal chhuah hi *group prachar* kan ti mai a, mahnia kan sut ngam chiah loh tepawh huhovatih aloremchâng a, huaisenna min pein thawh hona boruak pawh a siam ţhalehzual hle maia, athawktutengeipawh in kan hlawkpui in kan rawngbâwl na pawh in rahduhawm tak a chhuah mekzela, lawmawm kanti hle.

Zoram lam Kohhran kaltlanga beihpui (crusade) sum *project list* an rawn chhân hmangin Pastor bial pathumah *crusade* buatsaih a ni a, hetah phei hi chuan thawktu chauh ni lo, *fellowship member*-te nen a huhovin kan bei a, zan lamah *film* te chhuahin, chhûn lamah inkhawmna te buatsaih a ni a, khawlaiah te kal chhuakin Bible *tract* te kan sem a, hmun ţhenkhatah phei chuan kan zai

tawp a, chuta mi lo pungkhawmte chu Isua chanchin te kan lo hrilh bawk a ni. He beihpui hi bial tinah, hun hrang theuha hman a ni a, bial pakhtatah phei chuan **ringlopualcamping** buatsaih a ni bawk. Ringthar pawh kan neih belh nual a ni.

Tawktarh neia rawng kan bawl na Puanthui zirtirna te, tihdam rawngbâwl na te, naupang lehkhah zirtirna (Non-Formal school) lam pawh hi a hlawkna kan tel chho reng a. Kan puanthui zirlai a zatve aia tamin Isua Krista ringa baptisma an han chang phei hi chu lawmawm tak a ni. Board lam hotuten beng lo chhu ngawng se, tunah hian *budget* lamah chuan *Craft Centre* 3 nei ang kan ni a; nimahsela he rawngbâwl na hi mite hîpna tha tak a nih miao avângin *centre* 7 lai kan hawng a, Evangelist tura lakte pawh puanthui zirtirtu atân kan hmang a, rawngbâwl na hlâwk tak kan kalpui mêk a ni. *Centre* pakhtatah hian *seat* 6 zêl a awm laiin a zirtirtu tan chuan mi 10 zirtir leh mi 6 zirtir hautak lam a inang deuh reng a, anmahni zirtirtute'n *centre* thenkhatah phei chuan mahni sum sengin khawl an lei belh a, Zoram lam atanga khawl min rawn tumsakte pawh an awm bawk.

Kan Nurse te pawhin anmahni *centre*-a *clinic* an hawn bakah hmun dangah feh chhuakin *free clinic* an nei thin a, mi huikhawm nân leh Pathian thu hrilh nân a remchâng hle, helai Patna-a doctor zirlaite'n a chângin min pui bawk thin. *Non-Formal school* hi hmun 6-ah kalpui mek a ni a, zirlaite anmahni in lama an chhûngte va tlawh pawh a awlsam phah a, a remchâng hle.

Hetianga kan feh chhuah bâkah hian thlarau lam intuaihriamna tur hun te pawh buatsaih thin a ni bawk a, *Workers' Retreat* thawktu zawng zawng pualin kan buatsaih a, Thlarau lam thupui bakah rawngbâwl na atâna tangkai tur inzirtirna hun atân kan hmang bawk. *Field Worker* (a rammi) thlan bikte pualin *Training* kan buatsaih a, pawn lam mi mi thiam bikte kan ruai a, kan hlawkpui hle. Tin, *Field Worker*-te pualin *Bible Exam* te kan buatsaih bawk a, an inbuatsaih tha hlawm a, thiam pawh an thiam hle. Chu bâkah chuan Tawng *exam* Mizo thawktute pualin kan nei a, kum tawp lam khan tawng thiam tawhte nen kan vaiin

ṭawng exam buatsaih a ni baw
a, kan hlâwkpuī hle a ni. Pastor
Bial tinah Bial Inkhawmpui kan
nei thei a, kum 1 dana Bial
Inkhawmpui neih ṭhin pawh
kumin 2014 aṭang hi chuan kum
tin neih kan tum tawh a ni.

Patahara hmuna kan Biak In
sak 20'x10' chu *Field
Secretary*-in a hawng a, helai
hmun hi hmathar lâkna hmun
te a nih bawk avangin hetia
Biak In a ding nghal thei mai
hi a lawmawm hle a ni.
Darbhanga lamah Biak In
hmun tur kan lei a, lei chhun
khah hna zawh tawh niin biak in
sak hna bul ṭan chhoh mêk a ni a.
Hmun pakhatah Biak In hmun
tur ram petu an awm a, he
hmunah pawh hian Biak In sak
tumin hma kan la mêk a ni.

Kum 2013 chhûnga SMB kaltlanga
Project List kan siamte Zoram lam
kohhranṭahnemngaite'nminrawn
tihlawhtlinsak vek avângin kan
lawm hle a, kan ṭangkaipuiin kan
rawngbâwlinaah min pui nasa hle a
ni. Kum kal ta chhûng khân
Fellowship thar 8 lai kan neih belha,
kan hlim hle. Kuminah pawh hian
rawngbâwlina tur hmachhawp kan

ngah hlemaia, kan duhangzawng
zawng hi kan thawk vek seng lo
zawk a, thawktu la awm ngai
lohna hmunah te thawktu kan
indah thara, Biak In pahnihsak
hnakanṭanmêk bâkah hma thar
lâkna tur hrang hrang leh
fellowship thar dinna tur pawh
a awm nual a ni. Tin, kum kal
takha 2008-a Jharkhand *Field*
a indan aṭanga ringthar kan
neih hnem ber ṭum niin 232 kan
nei ve a, kan lâwm hle. Tunah
hian thawktu Mizo 33 leh a
rammi 36 kan awm mek a ni.

Kohhranhoten bâng lovin
ṭawngṭai leh thilpêkah te ṭan
min lo lâkpui zêl ula, keini
lamin in ṭawngṭaina te
râlthuamah hmangin kan lo
bei zêl anga, kan *Field
budget* kal pangngaia awm lo
kan mamawh hrang hranga
hmalâkna tur *project list* te
pawh pisa pui lamah a
chhâng thei tâna chhân turin
rinnain kan dah a,rawn
chhângtu kan neih theih nân
kan ṭawngṭai reng a ni.

**Bihar-ah hian kan Lalpa
Isua Krista ram hi a zau zel
dawn a ni.**

• • •

TIHDIKNA

February, 2014 'KEIMAHNI' huang Ringthar: *January - December,
2013 chhûnga ringthar kan neih dan hetiang hi a ni e: Lalpa kan lawm
e. ti hawktu tur a ni a, tihsual palhah ngaihdam kan dil e.*

ṬHAHNEMNGAITE HUANG
MISSIONARY A NI LO, MAH SE...

*Upa H.Lalchungnunga,
Bawngkawn Shalom Veng.*

Pu Dohmingthanga (Sena) Sihphir fapa Lalmangaihzualla (Valpuia) chuan kum 1994 khân Thangmawii, Bilkhawthlir khua chu Kualmawi Presbyterian Biak In-ah a nei a. Kum 1996 vel aṭang chuan Bilkhawthlir lamah an chêng tam a, chuta ṭangin Buhchang lam kawng Phaipheng hmun Bilkhawthlir aṭanga km 7 vêla hlaah Leilet enkawltu hnam dang (vai) In 50 lai awmna Mizo In 4/5 vêl awmna zingah an khawsa ve a. Motor (Van) an nei a, chu chuan thil phur kual velin a inhlawh ṭhin a, chawhmehte an zuar ṭhin bawk a ni.

An awmnaah hian hnam dang (vai) naupang eng emaw zat an lo awm ve bawk a. Chung naupangho chu Mizo A AW an zirtir a, naupang 60 aṭanga 70 vêl lai an nei a, chung chu Tv Lalvena, Thangmawii te lam hnai deuhvin a enkawl a, sawrkar lamah pawh an hriattir a, mahse hmalâk zui a nih lem loh avângin zirna lam pawh chu an titawp zui a, hma lâk zui nân a itawm ngawt mai.

Tin, Valpuia chu a dam lo va, ni 24.06.13 khan Durtlâng Hospital an rawn pan a, an han enchiang a, Zemabawklama awm chi a lo ni a. June 25-ah Zemabawk-ah chuan luh nghal a ni a, June 26 chuan Councillor Rev. Zawṭhuama nên duhthusamin an inkawm hman a, chutih lai chuan Phaipheng lama an ṭhiante (vaiho) chuan pawisathawh khawmin an rawn kan ve bawk a, an ti ṭha hle mai.

Tin, July 2 khân Hospital aṭanga chhuakin Sihphir-ah inenkawl zui zel turin chhoh a ni a. Tichuan Valpuia chuan July 6 dar 3:33 chuan min lo peih loh san ta a. July ni 7 (Pathianni) chu a ruang ni a lo ni ta a. Sihphir ṭhalai tam tak phei chuan Valpuia hi an lo hre vak lo hial a, mahse a thih hun leh niin a zir bawk a, hmunhmain a lo zir bawk a, vui ni chuan mi kan tam hle a, chutih laiin rin phâk bâkin Bilkhawthlir aṭangin mi an lo kal ṭeuh mai bawk a. Chu chauh chu ni lovin Phaipheng lama awm hnam dang (Vai) 20 rual dawn lai chuan motor hire-in Valpuia thlah turin an lo thleng chho rup mai bawk a, chu chu a ni, Vui nia awm ve te leh a hria apiangin mak kan tih leh mite nun hnehtu ber chu ni.

Valpuia hi Missionary a ni hauh lova, Pathian thu han sawi thiam pawh a ni lo va, a nupui lah tawng tlêm, ‘ni chu ni, ni lo chu ni lo’, tia sawi ve mai chi a lo ni ve bawk a. Valpuia hi eng angin nge a zuk khawsak thin a, eng thil nge a tih thin pawh kan zuk hriatpui tehchiam bawk si lova; mahse khatia a ruang kil tur a hnamdang (Vai = mosolman, Hindu) 20 rual dawn laiin mittui hru chung a ruang an kil thup mai han hmuh chuan, Valpuia hi an zingah hian engtin nge a zuk khawsak kan ti ta a nih hi?

Tin, Fa (mi dang fa an lakte nen) 6, tu 6 an neia, chungte nen chuan Phaipheng-ah hian an zu khawsa ve a ni. Phaipheng nu lo kal ve chuan, “Inneih thu te, chhûngkaw innghirngcho thu te, insual buai thu te, In leh Lo a thil fel lo awm thin te, In thenawm khawven thu thleng pawhin Valpuia hian a tihfelsak vek mai thin a. Valpuia tih leh sawi chu dikah an ngai mai a, a lo dik ngei bawks si thin a, chuvang chuan an lalpa a ni ringawt mai a ni. Tih dik loh emaw tha lo emaw an tih bawks si loh avângin zah pawh an zah êm êm asin, tunah pawh hian Vai lalpa a thi, tiin khulaiah chuan a thang a ni,” a ti.

Kristian kan ni a, Chanchin Tha avângin hetiang dinhmunah hian kan ding chho va, mah se ringlote chu sawi loh, kan thenawm khawvengte pawhin zir tur awm mang hauh lo nun a nung mai mai hi kan tam ta hle a ni mai lawng maw? kan hre tam a, kan sawi tamin kan sawi thiam bawk a, mah se kan sawi ang leh kan hriat angin kan nung si lova, chuvângin mi dangin kan nunah entawn tlâk leh zir tlâk an hmu thin lo a ni mai awm e. Kei pawh hnam dang zinga rawng lo bâwl ve thin ka ni a, sakhaw dang betute hi an sakhuaah an lo nghet hle mai a lo ni a, an tet lai a tângin chhûngkuaah an lo inzirtir nasa hle niin a lang. Chutiang deuh bawk chuan keini pawh hian chhûngkua a tanga kan inzirtir uluk leh zual tuzia kan hre thin. Chuvâng chuan kan sawi leh kan hrîl, kan nungchang hi kan rawngbâwl na rahchhuah a ni tih hre reengin hma lam i pan zêl ang u.

Phaipheng Bâwk, khua han tih tham pawh la ni rih lo mah se, Buhchang lam Kohhran nge Bilkhawthlir lam unaute, a huhu deuh emaw a han

tlawhchhuah emaw Fellowship
emaw ṭhahnemngai rualten
emaw tlawh a, Pathian Thutak
han puan chhuah zui zel nan a
va han itawm êm ve aw! Lalpa
tâna ṭhahnemngaite u,
sengkhawm turin Buh a êng

ṭan a ni lawm ni? Favah kenga feh
chhuah a hun ta e.

*“Nangni Lalpa hriatpuitua
awmte u, awm hle hle hlek suh
ula, amah pawh chu awm hle
hletir hlek suh u”*

Isaia 61:7

• • •

Ramthar Chanchinbu Hluttute Huang



P. C. Vanlalmawia, Vice Chairman
Ramthar Committee
Tlângnuam ‘W’ Kohhran

Kan Bible-a mi pahnih kan hmuhte thiltih dan kha a
âthlâk ngawt mai? Pu Nova thil tih dan kha a âthlâk ngawt
mai? Pathianin, ‘Nova, lawng tuk rawh, tui ka tilêt dawn e’ a tih
lai khân, Nova chuan lawng chu luipui kama tuk lovin
khawmualah a tuk a. Chutah ṭhâl lai pawhin a tuk a, kum 50-70
chhûng a tuk pawhin tui a lêt chuang si lo, mite’n lawng tuk an
ngaihsak ve bawk si lo. Mite chuan lawngtuk chu sawi loh, a
fapate, a mo te hnênah nuihzat leh hmuhsit takin, ‘In pa Nova
chu a ât a chhuahin lawng chu a la tuk zêl em?’ an han ti ang a,
a fapate, a mote tân chuan a zahthlâk ngawt ang (Gen.6:13-22).

Abrahama lah kha, “I khaw lam ata leh i laichinteho
zing ata leh i pa in ata chhuak la, ram ka la entir tur che lamah
chuan kal rawh,” Pathianin a han ti a. Abrahama lah kha khawi

lamah nge a kal dawn tih pawh hre lovin a chhuak tawp mai a, a âthlâk ngawt mai (Gen.12:1-5).

Mahse unau han ngaihtuah teh, Nova chuan amah leh a chhûngte leh rannung chi tinrengte chhandam nân lawng a lo tuk a. Abrahama lah khan a thlahte ram tiam panin a lo hruai a lo ni.

Kan Missionary-te hi âthlâk takin an chhuak emaw ka tih laiin, mite chhandam nân lawng an tuk a, ram tiam panin an lo hruai a lo ni. Chu ngei chu **‘Ramthar Chanchinbu’** hian minrawn hrilh var tur leh a pawimawhna min hriattir turin Ramthar chanchin, ringtharte chanchin, kan missionary-te chanchin, Pathian ram tîlzia minrawn hriattir a.

Lal Isuan a vân lawn dawna, amah ringtute hnênah, “Kal ula, hnam tina mi zirtirah te siam ula, Pa leh fapa leh Thlarau Thianghlim hmingah chuan baptis ula. Thu ka pêk zawng zawng che u pawm turin zirtir rawh u,” (Matt.28:19-20) tih thuchah kengtu, puangdarhtu Ramthar Chanchinbu hi ngaihsanawmin, chhiar a ninawm thei lo va. Hma a sawn zêl theihna tur leh a lo darh zau zêl theihna turin ka tawngtaina leh ka duhsakna, thawktute zawng zawng nêk ka hlân a, Lalpan malsawm che u rawh **RAMTHAR FEH**

A.

1. **Field Hming:** Arunachal West
2. **Khua/Mission Centre hming:** Tato leh Irgo
3. **Thawh hun chhung:** Ni 23.09.2013 - 05.10.2013
4. **Tlawhtu/Kohhran:** Presbyterian Kohhran, Gov’t Complex
5. **Kal zat:** Mipa 3 = An vaiin - 3
6. **Tlawh chhan:** Missionary-ho tlawh.
7. **Hna thawh/thil tih :**
8. **Senso zat:** Rs 53,555/-
9. **Lawmawmlam:** Harsatna hrang hrang awm mah se, Kohhranin hma a sawn zêl a, thawktute inpêkna pawh a lawmawmin Pathian hna thawh a lang zêl a, a ram mite’n mikhual lawm dan an thiamin min dawngsawng tha hle a, Kohhranho -

te'n nasa taka kan ðawngtaipui chu a ngai hle a ni.

10. Thu belh: Thawktu duh angin an indaih tawkh loh avângin hma lâk zelna tur atân tun aia indaih zawkh thawktu awm thei se, an hnam nun (Culture) nen a inrema hmalâk zel a ðhain a lang a, tuna kan hma lâk mekna hi ðha thawkhatin a lang. Kohhranhovin nasa leh zualin i ðawngtaipui ðhin ang u.

C. Lalhmuakliana
Team Secretary

AW.

1. Field Hming: Barak Area

2. Khua/Mission Centre hming: Winchester, Karimganj Kohhran, Gilarthol Kohhran, Kalkalighat Kohhran, Lokhi Bazar Kohhran, Subhas Nagar Kohhran te leh Mission Compound Silchar.

3. Thawh hun chhung: Ni 13 - 17. 09. 2013

4. Tlawhtu/Kohhran Address/Committee: Bawngkawn Presbyterian Kohhran Ramthar Committee.

5. Kal zat: Mipa 14, Hmeichhia 18, An vaiin mi 32.

6. Tlawh chhan: Missionary hnathawh leh an hrehawm tawrh dan hmuhpui.

7. Hna thawh/thil tih: Kohhran hrang hrang 5 tlawh.

8. Senso zat: Rs 1,09,151/-

Ni 13 September, .2013 Zing Dar 7:00-ah Bus 2-in kan chhuak a, Upa Chawngkhuma Chawngthu, Secretary leh Upa H.S. Ngurchhuankima ten ðawngtaiin min thlah a, Zanah Winchester High School Headmaster Pu Rinawma leh Hostel Naupang hovin min lo dawngsawng a, chaw ei min lo siamsak bawk. An chungah kan lawm êm êm a ni. An Bial zaipawl Uniform man tur Rs 5000/- (Cheng sangnga) pêk an ni.

Ni 14.09.2013 Inrinni zingah ruah a sur avângin leh kan Bus 1 a nun theih loh avângin , Bus 1-ah kan kal a, Winchester-a ðawngtai Inah kan ðawngtai a, Upa H. Lalthlamuana'n min hruaia, Pi F. Lalthanmawii'n ðanna hun a hmang a, Upa H. Lalthlungnunga'n Wincheset Chanchin tawi a sawi bawk. Mittui tla zawih zawihin kan ðawngtai vekin ka hria. **Pathian in Mizote hi min tlan nan thisen vawi hnih a chhuak**

www.mizoramsynod.org

a ni a tih theih hial awm e. Tichuan, Karimganj kan pan ta a. Kawng lakah Bus an siam that thu min hrilh a kan lo nghak a, tlai dar 4:00-ah Karimganj kan lût a. Zan dar 7:00-ah Biak Inah inkhawmin Introduction te, report-te kan pe a, dar 8:30-ah kan bang thei chauh a ni.

Ni 15.09.13 (Sunday)-ah Kohhran 5 tlawh turin grup-ah kan inthen a. A hmasa berte hi Grup Leader te an ni zel:

1. Gilarthol Kohhran : Upa H. Lalthlamuana'n thusawina hun a hmang a, Pu H.Lalbiaksanga'n tanna hun a hmang. Pi R.Vanlalmawii thawhlawm hlantu a ni bawk. Pi Sangneihthangi, Pi B.Lallianpuii leh Tv.H.Lalhruailiana te an ni. An Kohhran tanpui nan Rs 1000/- an pe bawk. He Kohhranah hian member 155, KTP, Kohhran Hmeichhia te an nei ve vek a ni. Chhûngkua 34. Sande sikul pawh Dept hrang hrang 2 an nei a, Upa 1 an nei bawk. Khuang erawh chu an nei lo.

Ni 26.3.13 zanah chhûng inkhawm neiin kan tawngtai rual a, a tuk 27.3.13 Nilaini zing chaw ei dawnah kan tawngtai rual bawk. Zanah Gharmurra Presbyterian Kohhranah kan inkhawm a, Hrangkhawl-ho an vaiin chhûngkua 30 an ni a, 20 in Cachar Presbytery an zawm a, kan Kohhran tlawh te chu chhûngkaw 10 chauh a ni a. Mizo Synod an zawm thung a ni. Kohhran member zawng zawng naupangte nen 62 an ni. Hemi zan hian 37 kan inkhawm a, keini 17 kan ni a, an ni hi naupang 2 nen 20 an ni. Inkhawm zawng te hian tih tak zetin Pathian fakin kan zaiin kan hria. Khuang a rangin hla ki a sang tawh bawh a, kan zai tui hle. Kan nuho bak paho pawh lamtualah an lam a ni. Zai a nuamin kan kham lo hle a ni. Bânah Upa J. Lalhmingliana Inah thingpui kan inho va, an Biak In hmun hi an Upa J. Lalhmingliana'n a pêk a ni. 45ft X 24ft Concrete Building-in an sa a. Chhûngkua 10 lek sak atân chuan a ropui hlein an thawh rim hle a ni tih a hriat hle a ni. A verandah chu a siamna tur an nei hrih loh thu min hrilh. Bawngkawn Nu hovin min rawn tlawh harh rawh se, kan chauh tawh em mai tiin min chah bawh.

2. Kolkali Ghat Kohhran : Km 42-a hla a ni. Pu H. Thanga'n

thu a sawi a, Pi Lalsangpuui'n ṭanna hun a hmang baw. Pi Lalengzami'n kan thawhlawm thawhte hlanna hun a hmang baw. Pi-te F. Lalthanmawii, H.V. Lalhliri, Lalrokimi, Tv.-te M. Lalchhanmawia, B. Lalrinchhana te kan ni. He Kohhranah hian member 25 vêl an awm. Chhûngkua 4 an ni a, inkhawm zawng zawng Sumo Driver leh handyman telin mi 24 kan ni baw. Bânah inkhawm zinga mi nausen chu a nuin a khawsik a sâng lutuk a, a kaih ṭhin a, min ṭawngṭaisak rawh u, a ti a, Nu hovin an ṭawngṭaipuia, Squash kan intir zawh hnu chuan a pang chu a lo dai ve leh mai a, kan lawm hle. An Biak In hmun hi Upa Rima'n a pêk, 1994-ah Venghlui Kohhranin an sak sak a ni. An tirhkoh chu Evan H. Lalbiaksanga a ni. 'Kan mi leh sa te *convention*-a an kal chuan an piangthar ngei ngei a ni', an ti.

3. Lokhi Bazar Kohhran : Pu C. Thasiama'n thawhlawm thawhte hlanna hun a hmang a, Pu Zothanpuia'n thu a sawi a, Pi V. Lalchhanhimi'n ṭanna hun a hmang a, a kal dangte chu - Pi Tlanthangi, Pi Zothanpari leh Pu Lalbiakliana Colney te an ni. Kohhran member 152, Danzawhkim 96, Chhûngkua 39, inkhawm zawng zawng 55, Baptisma chang 3 an nei baw.

4. Subhas Nagar Kohhran : Pu Biaklala Pautu-in English-in thawhlawm a hlan a, Pu R. Lalthanmawia'n Sap tawng leh Hindi in thusawina hun a hmang baw. Pi Ralthangi'n Hindi-in ṭanna hun a hmang a ni, mi dangte chu - Pi Lalrizapi, Pi Thangchungnungi, Pu Vanlalchhunga te an ni. Anniho hian 'Santosh Ummara ha' tih hla an rem a, an thiam ve khawp mai. Anniho hi Harijan hmunphiat ho an ni a, member 73 awmin inkhawm hi 37 kan ni.

5. Karimganj Kohhran : Upa H. Lalchungnunga'n thu a sawi a, Pi F. Lalrintluangi'n ṭanna hun a hmang, Pi Zolianmawii'n thawhlawm a hlan. Mi dangte chu - Pi C. Lalthangpuui, Pi Zothanmawii, Pu Lalrammawia te an ni. Member 200 vel, chhûngkua 40, Sande Sikul department hrang 2 an nei baw. Hetah hian Bialtu Pastor Lalthanzauva hovin min dawngsawng a, kan chungah an ṭhain an fel êm êm a, an chungah kan lawm

hle a ni.

Chawlhni zanah Mizo Inkhawmah Upa H. Lalthlamuana'n Pathian thuchah ropui tak a sawi a, hla zir lâwk miah lovin KHB 399 'Lalpa i rawngbâwla min koh hi' tih hla kan rem a. Zan kan lengkhawm pawh kan hlim hle a, nuho chu an lam deuh vek a ni. Karimganj Kohhrana Kross Sipai, phing cancer Pu Samir Kanti Majumdar, Pi Nomita Majumdar pasal chu kan Kohhran hmingin ₹3000/- in tanpui a ni. Ni 16 Sept. zan dar 7:00 Beihruah inkhawm in lamah an neih avângin kan inkhawm hrang a ni. An *Committee room*-ah inkhawmna kan nei a, Barak, A/S, Rev. Z. D. Lalhmachhuana leh Headmaster Pu Zualtea te an rawn tel ve a, an rawngbâwlina report an pe a, a ngaihnawm khawp mai. Synod Guest House-ah riahna min ngaihtuahsak a, kan lawm hle a ni. Grup tina Leader-ten *Report* kan pe a, sharing nan hun kan hmang bawk a ni.

Ni 17.09.2013 zing dar 4:15-ah lo chhuakin chhun dar 12:30-ah kan chhuahna Kohhran Bawngkawn chu kan lo thleng leh ta a, Ramthar tlawh min remtihsaktu Pathian leh Kohhran Committee hnênah lawmthu kan sawi a, kan chhuah ni ațanga kawng tuana min hruaitu leh min awmpui reng thintu LALPA chu FAKIN awm rawh se, Amen.

B.

1. **Field Hming:** Barak Area
2. **Khua/Mission Centre Hming:** Gosalghat (Bagha bul)
3. **Tlawh hun chhung:** Ni 20th - 22nd Sept, 2013
4. **Tlawhtu/Kohhran/Pawl:** Bungkawn Kohhran
5. **Kal zat:** Mipa 4, Hmeichhia 3
6. **Tlawh Chhan:** Taksa tihdam rawngbâwlina
7. **Hna thawh/Thil tih:** *Crusade* neih leh *Healing Ministry*
8. **Senso zat:** ₹ 78,000/-
9. **Lawmawm lam:** *Native worker* Pu David Sanjay te chhûngin tha takin min lo dawngsawng a, Silchar ațangin Gospel *Team Evangelist*-ho leh Pastor Chinmoy Purkayastha'n min țawiawm tha hle bawk.
10. **Lawmawm lo lam** : Awm lo

11. Report tul dang: He rawngbâwlina hi ‘*Mission Foundation Movement (MFM)*’ Director Upa R. Vanlalzaupa leh a nupui Pi B.Lalremtluangi te nen thawhho a ni. Thu sawi leh taksa tihdam rawngbâwlina niin, damlo mi 289 khawih an ni. Gosalghat khuaah hian ringtu 7 chauh an awm a, ãawngtaipui an ngai hle. Pu David-te chhûngin hmunhma pawh zau tâwk an pe tawh a, rawngbâwlina tur a la tam hle.

Lalnunzira Ralte

Secretary

Bungkawn Kohhran Ramthar Committee

CH.

- | | |
|----------------------------|----------------------------|
| 1. Field Hming | : Tripura field |
| 2. Khua | : Tuisakotor |
| 3. Tlawh hun chhûng | : Ni 2-5. Dec. 2013 |
| 4. Tlawhtu hming | : Chanmari West Kohhran |
| 5. Kal zat | : Mipa - 13, Hmeichhia - 2 |
| 6. Tlawh chhan | : Hna thawh |
| 7. Hna thawh | : Biak In sak |
| 8. Senso | : Rs. 1,39,510/- |

9. Lawmna lam: Kum tir ațangin Chanmari West Kohhran Ramthar Committee chuan Ramthar Biak In saa thawh hi kan *Project* pakhat a ni a, hun remchâng kan neih mai loh avângin kum tawp lamah kan nei thei ta chauh a ni. Biak In thar sa tur hian a hmanraw man tur Bialtu Pastor hnênah pawisa thawn lâwkin thawktute’n hma an lo laa, hna eng emaw chen an lo thawh tawh chu zu chhonzawmin Biak In, a dung fit 24, a vang fit 12 leh hulhliap, a chung leh bang rangva, a *skirting*-ah leirawhchan hmangin luah theihin kan peih thei a, kan lawm takzet a ni.

He hna kan thawh theihna tura hma min lakpuitu Ambassa bialtu Pastor leh kan thawh hun chhûnga phûr taka min buaipuitu thawktute chungah kan lawm takzet a; a ram mi, he Biak In luahtu turte - ãthalai 10 rualin kan hna thawh chhûng zawngin min pui reng bawk a, an chungah kan lawm hle a ni. Kan beisei anga tluang taka kan tum hlen theia min hruaitu Pathian chungah lawmthu awm rawh se.

www.mizoramynod.org

JH. Hmingthanchuanga
Secretary

Chanmari West Ramthar Committee

D.

- 1. Field hming :** Arunachal West & Assam
- 2. Khua / Mission Centre :** Pasighat
- 3. Tlawh hun chhung :** 8th-24th March 2013
- 4. Tlawhtu Kohhran :** Chhinga Veng Kohhran
- 5. Kalzat :** Mipa -16 , hmeichhia – awm lo
- 6. Tlawh chhan :** Pastor *Quarter* sak
- 7. Hnathawh :** Ban khur lai, *Concrete structure* chhun leh chokut siam
- 8. Senso :** ₹99,570.00
- 9. Lawmna lam :** Thawktute nen kan in pawh, kan hnathawh a tluang a, boruak a nuam hle.
- 10. Thu belh:** Êng a harsa a, Sawrkar lam ațangin beisei tur a awm lo. Diesel Generator țhenkhat neih theih ni se, pawn lam rawngbâwl na atân pawh țangkai taka hman theih a nih a rinawm. Harsatna țhenkhat avângin member palite mi dang rualin an haw thei lo a ni.

T/Upa H. Lalmuanpuia, Secretary,
Chhinga Veng Kohhran Ramthar Committee

E.

- 1. Field hming:** Barak Area
- 2. Centre hming:** Sateldung, Karimganj Dist.
- 3. Tlawh hun chhung:** Ni 11 - 16 Nov.'13
- 4. Tlawhtu Kohhran:** Ramthar North Kohhran RT Comt.
- 5. Kal zat:** Mipa 5 Hmeichhia 3
- 6. Tlawh chhan:** Hnathawh
- 7. Hnathawh/Thil tih:** Biak In sak
- 8. Senso zat:** ₹26,000/-
- 9. Lawmawm lam:** Mi Ina inkhawm kual țhin an ni a, Biak In hmel an han hmu chu an țawngkamin an sawi thiam lo naa, an rilru tak takin an lawm hle a ni tih a hriat theih a, an cheziaah an tilang nasa hle a ni.
- 10. Thu belh:** Anmahni hi Chawrai hnam an ni a, In 7, members 48, dan zawhkim 17 an ni. Anmahni mi Pu Manika, Evangelist hovin an awm a, țawngțaipui an ngai hle.

Vanrokhawla, Secretary
Ramthar North Kohhran, Ramthar Committee

F.

- 1. Field hming :** Karbi Anglong
- 2. Centre hming :** Chokihola
- 3. Tlawh hun chungh :** Ni 9 - 18 Dec 2013
- 4. Tlawhtu Kohhran :** Zemabawk Vengthar Kohhran
- 5. Kal zat :** Mipa 17 Hmeichhia 3 Total 20
- 6. Tlawh chhan :** Hnathawh
- 7. Hnathawh/Thil tih:** Biakin Ceiling leh Chajjaj siam
- 8. Sensozat:** 1,01,000.00 (Nuaikhath leh sangkhat).
- 9. Lawmawm lam:** Thawktute inpêkna leh min lo dawnsawn dan bâkah Kawng laka min lo hmuakte an rawn intirh avângin kan lawm a, kan thawhhona a tha a, kan beisei aia hmain kan hnathawh kan zo thei a, kan lawm hle.
- 10. Thu belh:** Kum 2013 chhûnga Zemabawk Vengthar Kohhran Ramthar Committee-in Home Mission South-a Vaṭhuampui Sande Sikul Hall sak ṭanpui nân ₹30,000/- kan pêk te, Diblibagh Biak In a hman tur Ceiling fan paruk leh Sound box pakhat kan pêk te leh Rongchinrum Biak In chung rangva man ₹20,000/- kan pêk te, TBZ hnuaia kan Voluntary Missionary awmna Madhya Pradesh Field tlawha mi panga kan han kal te hian Kohhranhote min ti pumkhattu leh Ramthar field lam hawia ke min pen chaktirtu niin kan hriaa, kan lawm hle a ni.

Lalzuiliana, Secretary
Zemabawk Vengthar Kohhran, Ramthar Committee

NGENNA

Kum 2013 Ramthar Chanchinbu man la pe lo eng emaw zat Kohhran/Mi mal in la awm a, khawngaihin a rang thei anga rawn pe tura ngen leh hriattir in ni e. Editorial Board thu angin a zawna kum hnih pe lo phe chu in chanchinbu lâk tihtawp a ni ang.

• • •

MISSIONARY TÂNA 'RAMTHAR' LÂKSACTUTE

2013 chhûnga Missionary-te tâna 'RAMTHAR' lâksaktu tihchhuah hnahnung ber tur a ni ta. Kum 2013 chhûnga lâksaktute zawng zawng hnênah Editorial Board-in lawmthu a sawi a, kum 2014 atân lâksak leh turin Kohhran leh mi thahnemngaite ngên leh in ni e.

B. Lalzarzova, Lunglei	20
J. Lalmawia Sailo,	5
Serchhip Chhim Veng RT Committee	20
Upa Zalawma, Aibawk	2
Thakthing Kohhran, Aizawl	35
Upa Remsiana Khiangte (F)	10
C. Zomawia, Sateek Koh. RT Committee	10
Rikhuma, Samtlang	10
Samtlang Koh. RT Committee	8
Lalthlankima, Phullen Vengthar	10
Taxi No. MZ 05-7387, R. Lalnunzira	7
Tlangnuam Kohhran RT Committee, Aizawl	20
RC Liangura, Zuangtui	2
RD Sangkhuma, Zuangtui	1
Sumsuih Bial Kohhran Hmeichhia	10
H. Thangtlaia te chung, Republic Veng	5
West Phaileng Chhim Veng Kohhran	50
Lalawmpuia te chung, Vaivakawn	10
Vaphai Kohhran	10
Suihnina, Mawiong, CJ	2
Romawia Mualcheng	4
Saron Veng Kohhran	70
Venghlui Kohhran	94
R. Sangkima, Venghlui	11
Biate North Kohhran	10
Tuikual Kohhran	50
Lawipu Kohhran	5
P.C. Piangliana, Bawngkawn	2
Armed Veng Kohhran	5
H. Sangthuama, Dolakhal	1
Tlangnuam Vengthar Kohhran	3
C. Keikhuma, Champhai Vengthlang	6
Khawkawn Koh. RT Committee	20
Lungpho Koh. RT Committee	10

• • •



**2013 Electric Veng Kohhran
'RAMTHAR BAWM'**



**2013
BAKTAWNG KOHHRAN HMEICHHIA
LEH THINGFAK MISSIONARY THINGFAK**

COUNSELING MAMAWHTE TÂN

Mi mal, nupa, fanâu, chhûngkua, nûlât tlangval, ringtu nun adt.-ah
harsatna i neih chuan Family Guidance & Counselling Centre pan thîn la,
an lo tanpui ang che. Telephoe leh Internet hmang pawhin biakrâwn theih
an ni:

Main Centre: Mission Veng, Aizawl - Ph.03892324443

Branch Centre: Chanmari, Aizawl - Ph. 03892306693 - email:
synodfgcc@gmail.com

Postal Regn. No.MZR/46/2012 - 2014

RNI Regn. No.40889/ 88



TO RAMTHAR



2013
THAIDAWR KHUAA SYNOD MOTOR
LUT HMASA BER

A khali thlengtu Tv. Lalramchhana (Rcha)

If not delivered please return to:
The Manager
Ramthar Chanchinbu
Synod Office, Aizawl, Mizoram,
India. Pin - 796005

**Published by Rev. Lalchhuanmawia and Printed at the
Synod Press, Aizawl on behalf of Ramthar Association,
Aizawl, Mizoram. Copies- 28,500**

Visit us: www.mizoramsynod.org